

Broj: 06-11-246/2024-R-8-7
Sarajevo, 10.06.2024. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br.: 39/14 i 59/22), sekretar Vlade Federacije Bosne i Hercegovine, d o n o s i

O D L U K U
O PONIŠTENJU POSTUPKA JAVNE NABAVKE ROBA – NABAVKA LICENCI ZA
POTREBE GENERALNOG SEKRETARIJATA VLADE FEDERACIJE BOSNE I
HERCEGOVINE

I.

Poništava se postupak javne nabavke: Otvoreni postupak za javnu nabavku roba – nabavka licenci za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-246/2024-R-8-1, broj Obavještenja o nabavci sa portala javnih nabavki: 854-1-1-69-3-19/24 od 09.05.2024. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 32/24, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-246/2024-R-8 od 08.05.2024. godine. Javna nabavka provedena je putem Otvorenog postupka. Ukupna procijenjena vrijednost nabavke iznosila je 85.400,00 KM bez PDV-a.

Obavijest o nabavci, broj: 854-1-1-69-3-19/24 poslana je na objavu 09.05.2024. godine, te je istog dana objavljena na portalu Javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 32/24.

Tendersku dokumentaciju preuzela su 22 (dvadesetdva) privredna subjekta, a 2 (dva) ponuđača su dostavila ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: LANACO d.o.o. Banja Luka i ARTCO GROUP d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, izvršila je pregled i ocjenu ponuda, te konstatovala da nijedna od primljenih ponuda nije prihvatljiva.

Ponuda ponuđača LANACO d.o.o. Banja Luka ocijenjena je kao nepravilna iz sljedećeg razloga:

- u Tenderskoj dokumentaciji u Aneksu 3 – OBRAZAC ZA CIJENU PONUDE – ROBE (LICENCE) u tabelarnom prikazu pod rednim brojem 1. Licenca za FortiWeb 400D (serijski brojevi uređaja: FV400D3A17000089, FV400D3A17000103), u rubrici „Tehnička specifikacija“, između ostalog, tražena je: „-Trogodišnja licenca“.

Pregledom Ponude, konstatovano je da Ponuđač nije ponudio trogodišnju licencu kako je traženo Tenderskom dokumentacijom, odnosno da period važenja ponuđene robe nije u skladu sa Tenderskom dokumentacijom. U Ponudi je dostavljena Izjava za kompaniju „LANACO“ d.o.o. Banja Luka, od 28.05.2024. godine, izdata od Comtrade Distribution d.o.o. Sarajevo, u kojoj je, između ostalog, navedeno da je traženu licencu moguće produžiti maksimalno do 14.01.2026. godine, nakon čega proizvođač prestaje pružati podršku za ovaj model.

Ponuda ponuđača ARTCO GROUP d.o.o. Sarajevo ocijenjena je neprihvatljivom iz sljedećeg razloga:

- u Tenderskoj dokumentaciji u Aneksu 3 - OBRAZAC ZA CIJENU PONUDE – ROBE (LICENCE), u dijelu NAPOMENE uz Aneks 3, tačka 6. propisano je: „Ponuđač je obavezan dostaviti i detaljnu tehničku dokumentaciju za ponuđenu robu.“

Pregledom Ponude, konstatovano je da Ponuđač nije dostavio detaljnu tehničku dokumentaciju za ponuđene robe kako je traženo Tenderskom dokumentacijom.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-246/2024-R-8-6 od 07.06.2024. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



SEKRETAR VLADE

dr.sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove